

Siman di celebracion di Watty Vos 26 aña den política



Minister Watty Vos cu su colega di Surnam Mr. Eddie Hoost y su colega di Hulanda Mr. Dries van Agt.



Sr. Watty Vos a drenta política na momento cu e y Betico a lanta MEP na 1971.

ORANJESTAD—E siman aki ta den cuadro di e celebracion di Watty Vos su 26 aña den política. Ya caba tin diferente publicacion cu a ser divulgá di tur e cargo y posicionnan cu Watty a cubri durante e 26 añanan cu e tin den política. Manera a ser publicá siman pasá, Watty a drenta política na momento cu e y Betico a lanta partido MEP na 1971. Den su promé participacion político, Sr. Watty Vos a wordo eligí cu voorkeurstemmen como miembro di Eilandsraad. Na aña 1973 Watty a bolbe ser eligí cu voorkeurstemmen, pero como miembro di Staten di Antiyas.

Dia 20 di December 1973, Watty a wordo eligí como Minister den Staten di Antiyas.

Su promé posicion ehecutivo cu Watty a desempeñá tabata como Minister di Husticia, y como vice- Minister Presidente di Antiyas. Watty tabatin como coleganan den Reino Mr. Dries van Agt cu tabata Minister di Husticia di Hulanda y Mr. Eddie Hoost como Minister di Husticia di Surnam.

Riba e potret aki nos por mira Sr. Watty Vos cu su colega di Surnam Mr. Eddie Hoost y su colega di Hulanda Mr. Dries van Agt cu a organizá un cena pa Watty. Riba e otro potret nos por mira Watty den companía di e diferente personanan cu el a traha hopi serca cu nan.

E trayectoria di Watty como político tabata y ta uno hopi respetá. Den e campaña aki Watty a mencioná na diferente ocasion e palabranan di su amigo Claudius Phillips: "I know where I am going, but I will never forget where I came from".

Esaki ta Watty, un persona hopi sencio. Watty a nace y biba den Rancho. Aunke cu Watty tabata un bon estudiante tempo cu e tabata jong, nunca e tabatin e suerte di haya un beurs of studie-opdracht. Awe Sr. Watty Vos ta abogado, danki na su propio forza cu e tabatin pa studia y specialmente danki na e profesor Sr. Tjon Ayong cu a pone tempo disponibel pa duna Watty les. □